

# SOALAN - SOALAN LAZIM

## Program SIP Gig



### 1 Apakah Program SIP Gig?

- SIP Gig merupakan insentif kewangan berjumlah RM600 sehingga RM800 sebulan bagi tempoh maksimum 6 bulan bagi pekerja gig yang baharu di bawah Bajet 2022.
- Insentif ini memberi fokus kepada individu yang diberikan notis cuti tanpa gaji, diberhentikan kerja, penganggur lebih daripada 60 hari, pencari kerja daripada golongan terjejas dan suri rumah yang tidak bekerja lebih daripada enam (6) bulan yang terlibat dalam pekerjaan yang tidak terikat dengan waktu bekerja menggunakan Platform Digital berdaftar di bawah PERKESO.

### 2 Apakah objektif Program SIP Gig?

- Memberi peluang kepada individu yang menganggur atau tidak bekerja untuk melaksanakan pekerjaan secara jangka masa pendek.
- Menggalakkan pencari kerja atau individu menganggur mengambil peluang pekerjaan merentasi pekerjaan tidak formal atau kerjaya ekonomi gig melalui platform digital.

### 3 Bilakah tarikh permohonan Program SIP Gig bermula?

- Permohonan Program SIP Gig dibuka mulai 17 Januari 2022 melalui Aplikasi PERKESO Prihatin atau melalui pautan <https://matrix.perkeso.gov.my>.

### 4 Siapakah yang **LAYAK** menerima insentif Program SIP Gig?



Individu yang diberikan notis cuti tanpa gaji (minimum sebulan) atau yang diberhentikan kerja.



Individu / graduan yang menganggur melebihi 60 hari.



Pencari kerja daripada golongan terjejas seperti OKU, bekas banduan dan lain – lain.



Suri rumah yang tidak bekerja lebih daripada 6 bulan dan pendapatan isi rumah kurang daripada RM2,208 selaras dengan had Pendapatan Garis Kemiskinan (PGK) terkini.



Semua pekerja untuk program ini mesti berumur 18-60 tahun pada tahun 2022.



Semua pekerja untuk program ini mesti membuat pendaftaran mulai 1 Januari 2022 di platform digital yang berdaftar dengan PERKESO.

### 5 Siapakah yang **TIDAK LAYAK** menerima insentif Program SIP Gig?

- Individu yang aktif bekerja.
- Individu yang telah menerima insentif di bawah Program KerjayaGig.
- Individu yang telah menerima insentif mobiliti di bawah Program Penjana Kerjaya tetapi telah berhenti kerja secara sukarela.
- Pelajar praktikal atau individu yang masih belum tamat pengajian.

## SOALAN - SOALAN LAZIM

# Program SIP Gig



### 6 Bagaimana Orang Bekerja Sendiri (OBS) yang layak boleh memohon Program SIP Gig?



### 7 Apakah syarat yang perlu dipatuhi oleh Orang Bekerja Sendiri (OBS) sepanjang menerima insentif Program SIP Gig?

- Menghantar Log Aktiviti pembuktian secara cetakan berkomputer yang mengandungi jumlah komisen berserta letterhead rasmi atau logo platform digital setiap bulan bagi tempoh 6 bulan.
- Dengan minimum komisen bulanan berjumlah RM1,200 atau 40 jam seminggu, OBS layak mendapat insentif berjumlah RM600 sebulan.
- Sekiranya OBS mencapai jumlah komisen RM2,500 dan ke atas ataupun 60 jam seminggu, insentif tambahan sebanyak RM200 akan diberikan kepada OBS menjadikan insentif keseluruhan berjumlah RM800 sebulan.

### 8 Apakah yang perlu dilakukan oleh Orang Bekerja Sendiri sekiranya mereka ditawarkan pekerjaan sepenuh masa dalam tempoh menerima insentif ini?

- Individu yang ditawarkan pekerjaan sepenuh masa perlu melaporkan status pekerjaan mereka kepada PERKESO dalam tempoh 48 jam menerusi Aplikasi PERKESO Prihatin (SIP Gig) bagi menamatkan pembayaran insentif seterusnya.
- Individu yang gagal melaporkan akan diarahkan untuk membayar semula jumlah bayaran yang telah diterima kepada PERKESO.

## SOALAN - SOALAN LAZIM

# Program SIP Gig



### 9 Apakah dokumen wajib yang diperlukan oleh Orang Bekerja Sendiri (OBS) untuk pengesahan di Aplikasi PERKESO Prihatin?

- Maklumat akaun bank individu bekerja sendiri (salinan muka hadapan penyata bank yang mengandungi nama pekerja, nombor akaun bank, kad pengenalan, dan nama bank).
- Senarai surat atau dokumen sokongan mengikut kategori kelayakan:

Kategori	Dokumen
Pencarum PERKESO yang diberikan notis cuti tanpa gaji atau yang diberhentikan kerja	Bukti yang dikeluarkan oleh majikan semasa atau terdahulu.
Pencari kerja daripada golongan terjejas yang berdaftar dengan agensi di bawah kerajaan	Bukti pengesahan yang dikeluarkan oleh agensi yang berdaftar dengan kerajaan (Contoh: Kad OKU daripada Jabatan Kebajikan Masyarakat)
Pencari kerja daripada golongan rentan (Tidak berdaftar dengan agensi di bawah kerajaan)	Borang Pengesahan Pendapatan dan Tanggungan Isi Rumah yang disahkan oleh Penghulu/ Ketua Kampung/ Pengerusi JKKK setempat/ Pegawai Kerajaan Gred A (Gred 41 dan ke atas).
Suri rumah yang tidak bekerja sekurang-kurangnya 6 bulan (Pendapatan isi rumah kurang RM2,208 selaras dengan had Pendapatan Garis Kemiskinan (PGK))	
Graduan yang menganggur melebihi 60 hari	Surat Tamat Belajar yang telah disahkan oleh Institusi Pengajian Tinggi (IPT)

*Nota: Termasuk mana-mana dokumen lain yang perlu dikemukakan kepada PERKESO sekiranya diminta.*

### 10 Bagaimanakah pembayaran insentif di bawah Program SIP Gig dilaksanakan?

Kaedah Pembayaran	Kadar Komisen	Jumlah Bayaran
Selepas OBS menghantar Log Aktiviti (selama 6 bulan)	RM1,200 atau 40 jam seminggu	RM600
	RM2,500 keatas satu atau lebih daripada 60 jam seminggu	RM800 (Tambahan RM200)

## SOALAN - SOALAN LAZIM

# Program SIP Gig



### 11 Bilakah tarikh akhir bagi permohonan insentif Program SIP Gig?

- Tarikh akhir bagi permohonan insentif Program SIP Gig adalah pada 30 Jun 2022.

### 12 Apakah yang akan dilaksanakan oleh PERKESO sekiranya permohonan mengandungi maklumat palsu/tidak tepat?

PERKESO boleh mengambil tindakan seperti berikut:

- Menolak permohonan atau menangguh dan memberhentikan bayaran sekiranya OBS menghantar maklumat palsu atau tidak benar sewaktu permohonan dibuat atau semasa permohonan diproses, juga sekiranya OBS tidak memenuhi syarat-syarat yang ditetapkan di atas;
- Menggantung permohonan dan kelulusan Log Aktiviti yang sedang dalam proses siasatan untuk mengemukakan tuntutan yang disyaki palsu atau tidak benar.
- Mengambil tindakan undang-undang untuk menuntut semula bayaran yang telah dibayar kepada OBS sekiranya pembayaran tersebut dibuat berdasarkan kepada maklumat yang palsu atau tidak benar yang telah diberikan kepada PERKESO oleh mana-mana pihak, atau OBS didapati tidak memenuhi syarat-syarat yang ditetapkan selepas penerimaan bayaran bagi program insentif tersebut.

### 13 Bagaimana untuk mendapatkan maklumat lanjut berkenaan insentif Program SIP Gig?

- Kunjungi [www.perkeso.gov.my](http://www.perkeso.gov.my) atau [www.myfuturejobs.gov.my](http://www.myfuturejobs.gov.my) Individu yang berminat boleh juga menghubungi talian perkhidmatan khas kami di **03-80915300 / 1-300-22-8000** atau sekiranya terdapat sebarang aduan anda boleh mengemukakan aduan tersebut di <https://eaduansip.perkeso.gov.my>.

**PERTUBUHAN KESELAMATAN SOSIAL (PERKESO)**  
**DIKEMASKINI PADA 16 JANUARI 2022**